

Wann nun ietzerzehlee Ursachen im grund dermassen beschaffen / vnd im
Wort sich bezeugen / vnd also diese fürnehme Potentaten der Welt mit ihren
Bundsgenossen / alle ihre Gedancken / Rathschläg / Macht vnd Gewalt /
samtlichen mit guter Zusammenhaltung jederzeit / sonderlich aber jeso dahin
richten / vnd wenden / damit alle vnd jede Religion / so der Römischen Pöpstli-
chen zuwider / nicht allein in ihren Landen / sondern auch durch die ganze weite
Christenheit / laut ihrer Confœderation vnd Dröwore / gedämpfft vnd ver-
tilgt / vnd dargegen der Antichristliche Stul zu Rom mit der Teueschen / als
des Pöpsthumbs ersten vnd schädlichsten Feinden / eigenem Blut wider vnter-
stützt vnd auffgerichtet würde / so hat ein jeder ehrlicher Kriegsmann vnd Liebha-
ber seines Edlen Vaterlands vnd der Evangelischen Religion / so er in sei-
nem Gewissen für recht erkennen muß / wol auff die Schanz acht zu haben / vnd
seine Bestallung zuerwegen / welchem Herrn / vnd wider wen er diene / vnd was
künfftig durch solchen sein Dienst dem Vaterland Teutscher Nation / seines
eigenen Weib vnd Kindern / Eltern / Blutsfreunden vnd Verwandten / für
Verderben vnd Schaden erfolgen könne / weil je obgedachte Bundsgenossen /
Eigisten die streitbar Teutsch Nation auff andere weg nicht zuschwechen noch zu
vnterdrucken wissen / dann da sie Teutsch Blut mit Teutschem Blut vergiessen
möchten.

Vnd were zu wünschen daß ein jeder Kriegsmann die getrewe obgesetzte Er-
innerungen recht beherrigte / darauf er wol zu befinden / was sein Befehl vnd
Berichtung bey diesem Wort samt der Besoldung seyn wird : da er sich wider
sein selbst eigen Wissen vnd Gewissen / wider das Vaterland vnd das H. Eo-
angelium vmb ein geringen Gelts willen von vnsern allgemeinen Feinden solte
bestellen lassen. Dann wann du / lieber Kriegsmann / dein Bestallung recht anfi-
hest / wirst du befinden / daß du alles das jenig / was sie vns allesamt heimlich in
ihrem blurdurstigen Sinn / vnd öffentlich / so wol Schriftlich als Mündlich /
längst tröwen / vnd anthun wollen / ja thun können / vnd sich allbereit darzu gerü-
stet / vnd noch rüsten / mit ihnen exequiren vnd verrichten / auch alle Predigten
des Worts Gottes / alle Christliche Versamblungen vnd Übung der waaren
Religion / ganz vnd gar abschaffen helfen muß / dagegen muß du allein das
Pöpstliche Joch vnd Grewel der Abgötterey / mit ihren Opffermessen / Jahr-
märkten vnd betriegeren wiederum helfen auffrichten.

Du muß so viel trefflicher Gottseliger Fürsten / Grafen / Herrn / viel tau-
sente ehrlicher vom Adel / vnd vnzahlbare andere redliche Christenmenschen mit
Weib vnd Kindern / deren vnglücklich zugemessene rebellion , oder Widersetzlig-
keit einzig dieses ist / daß sie allein den lieben Gott vnd sein heiliges Wort recht
erkennen vnd bekennen / demselben mehr als dem Menschen gehorsamen /
sonsten aber in allem zeitlichen ihren Obrigkeiten / mit Leib / Blut vnd Gut
jedem